



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab anno Christi 1431. usque ad annum 1441

**Fleury, Claude**

**August. Vind. [u.a.], 1768**

**VD18 90118316**

§. 123. Novi tractatus cum Bohemis.

---

[urn:nbn:de:hbz:466:1-66426](#)

Sæcul. XV.  
A.C. 1435.

§. CXXII.

*Decretum IV. de Appellantibus.*

Tandem Synodus in quarto Decreto frivolas appellations, unice ad pretelandam litem institutas exulare jube statuens, quod ante decisivam, ac propria judicis definitivam sententiam ad alium appellare non liceat; si vero ante definitivam quisquam appellaverit, ultra condemnationem expensarum, damnorum, & interesse, in quindecim florenis auri de causa parti appellatæ per appellantis judicem condemnetur. Hæc sunt, quæ in hac Sessione salubriter statuta fuere.

§. CXXIII.

*Novi tractatus cum Bohemis.*

*Spont. ad.*  
*an. 1435. n. 2.*

Synodus hortatu Imperatoris Legatos in Bohemiam decreverat, qui si fieri posset, integræ Bohemorum conversioni operam navarent. Hi igitur Deputati tandem Bohemiam ingressi, Mense Junio ac Julio Brunæ præsente Imperatore fæpius convenient; Rochisana etiam certarum Bohemorum nomine articulis instrumento, quod compactata vocabant contentis stare pollicetur. Cum vero eorum nonnulli deessent articuli, quos opido necessarios judicabant, hos quoque

que Bohemi concordiae libello inferere, *Sæcul. XV.*  
 ac Basileam mittere decernunt. Nihilo-*A. C. 1435.*  
 minus ob levissimam, quæ repente exorta  
 est, difficultatem totum unionis negotium  
 abruptum fuit. Petebant enim Synoda-  
 les delegati hæc verba adjici: *Bona Ec-  
 clesiæ absque sacrilegii reatu ab aliis usur-  
 pari non posse*, Bohemi econtra acriter ob-  
 luctabantur, ne per hanc clausulam se  
 sacrilegos fuisse, confiteri viderentur. Ad  
 tollendum hoc dubium, visum est Imper-  
 atori, ut quidam ex Legatis Basileam  
 redirent ad explorandam Concilii men-  
 tem, reliquis interim Viennæ in Austria  
 expectantibus, ne Bohemorum conver-  
 sionis negotium omnino derelictum, a  
 vulgo crederetur. Ergo Polemarus mit-  
 titur, cumque redux hanc clausulam Bo-  
 hemis exosam, a Synodo deletam fuis-  
 se retulisset, apud Albam regalem Hun-  
 gariæ urbem mense Septembri denuo  
 conventum est; sed rebus coram ipso Im-  
 peratore magna contentione ultro ci-  
 troque agitatis, tota residua anni parte  
 optata animorum conjunctio incassum de-  
 fiderabatur; tandem vero ineunte Janua-  
 rio sequentis anni ex communi ferme o-  
*Vid. infra*  
*mniū sententia novus conventus Igla-*  
*ib. CVII.*  
*viæ celebrandus decernebatur, in quo to-*  
*tum negotium plene absolutum fuit.*